



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 3 Zakona o javnim preduzećima u Brčko distriktu BiH (Službeni glasnik Brčko distrikta BiH, brojevi: 15/06, 5/07, 19/07, 1/08, 24/08 i 17/16), člana 15a stava 2 Zakona o putevima Brčko distrikta BiH (Sl. glasnik Brčko distrikta BiH, brojevi 43/04, 19/07, 17/09 i 9/13), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13), i Prijedloga odluke JP „Putevi Brčko“ d.o.o. Brčko distrikta BiH, broj: 01-3021/17 od 2. 6. 2017. godine, Skupština Brčko distrikta BiH, na II. nastavku 13. redovne sjednice održanom 5. jula 2017. godine, donosi

O D L U K U

O POVJERAVANJU IZGRADNJE KRUŽNIH RASKRSNICA NA TRANZITNIM SAOBRAĆAJNICAMA U GRADSKOM PODRUČJU GRADA BRČKO JP „PUTEVI BRČKO“ BRČKO DISTRIKT BiH

Član 1

Ovom odlukom povjerava se JP „Putevi Brčko“ d.o.o. Brčko distrikt BiH (u daljnjem tekstu: Preduzeće), ulaganje sredstava i izgradnja 7 kružnih raskrsnica na tranzitnim saobraćajnicama u gradskom području grada Brčko, i to na sljedećim raskrsnicama:

1. „Izbor“-raskrsnica kod bivše fabrike Izbor,
2. „Merkur“-raskrsnica kod zgrade bivšeg Merkura,
3. „Kasino“-raskrsnica na kojoj se spajaju ulice Studenska, dva kraka ulice Miroslava Krleže i ulice Braće Ribnikara,
4. „Š“-izlaz-raskrsnica na ukrštanju Braće Ribnikar i ulice Uzunovića,
5. „Kuglana“- raskrsnica u centru grada u blizini školskih objekata i institucija Brčko distrikta BiH, a na ukrštanju ulica Bulevar mira koji ide iz samog centra grada, ulice Uzunovića i ulice Nadbiskupa J.J. Štrosmajera,
6. „Ilička“-raskrsnica koja se nalazi na ukrštanju izlaza iz naselja Bosnaplod (Ilička) na Bijeljinsku cestu i
7. „Klanac“ – raskrsnica kod Belamionixa; spojevi ulica: ul. Sulje Kahrimana, Muse Ćazima Ćatića, Fra Šimuna Filipovića i novoizgrađenog puta prema Rosuljama.

Član 2

Zadužuje se Vlada Brčko distrikta BiH, odnosno nadležna Vladina odjeljenja da u skladu sa svojim nadležnostima u što kraćem vremenskom roku obezbijede Preduzeću nesmetane uslove za uspješnu izgradnju kružnih raskrsnica iz člana 1 ove odluke.

Član 3

Sredstva za izgradnju kružnih raskrsnica iz člana 1 ove odluke predviđena su u Poslovnom planu JP „Putevi Brčko“ d.o.o. Brčko distrikt BiH za 2017. godinu u ukupnom iznosu od 1.440.000,00 KM.

Član 4

Za realizaciju ove odluke zadužuje se JP „Putevi Brčko“ d.o.o. Brčko distrikt BiH u dijelu koji se odnosi na ulaganje sredstava, ugovaranje i izgradnja kružnih raskrsnica i Vlada Brčko distrikta BiH putem nadležnog organa u dijelu koji se odnosi na izdavanje potrebne dokumentacije i kontrolu kvaliteta i kvantiteta izvedenih radova.

Član 5

Ova odluka stupa na snagu prvog narednog dana od dana objavljivanja u Službenom glasniku Brčko distrikta BiH.

Broj: 01-02-161/17

Brčko, 5. 7. 2017. godine

**PREDSJEDNIK
SKUPŠTINE BRČKO DISTRIKTA BiH**

Esed Kadrić

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Odjeljenju za javne poslove
- 5) JP „Putevi Brčko“
- 6) Sektoru za koordinaciju politika i opće poslove
- Odsijeku za opće poslove
- 7) Arhivi